

顧齋遺集

閩

錫

山

書

端



(一)

山西省文獻委員會編

山右叢書初編

趙戴文題



編校姓氏

山西省文獻委員會 總裁

閻錫山 百川

副總裁

趙戴文 次隴

常務委員

徐永昌 次宸

郭象升 允叔

馬駿 君圖

委員

陳敬棠 芷莊

賈景德 煜如

張友桐 曉琴

常贊春 子襄

狄樓海 觀滄

李鏡蓉 亮工

陳受中 乙和

邵修文 竹琴

陸近禮 恭齋

高時臻 福齋

李尙仁 綱卿

甯超武 子高

賈昭德 宣之

徐鴻寶 森玉

任晰 亮裁

常乃惠 燕生

趙正楷 法真

方聞 彥光

顧問
編纂

田九德 玉如

原士才 石民

總幹事 于萬河 震裳

幹事 焦陽三 養三

范士元 周君

常乃純 价中

校對 武敘疇 洪九

陳秀彥 元生

郭長民 漢鼎

邢淵經 伯涵

劉受福 百之

顧齋遺集上卷目錄

王顧齋先生傳

顧齋簡譜

釋經室詩集

卷一

卷二

卷三

卷四

卷五
闕

卷六
闕

卷七
闕

卷八
闕

顧齋遺集
經室詩集續編
另有刊本行世

顧齋遺集上卷目錄終

王顧齋先生傳

通志文學錄

王軒字霞舉洪洞人性敏悟好學深思幼爲詩已能驚其長老既舉於鄉則益治樸學研究三禮爾雅說文以及地輿歷算客齊魯三年學益進錢塘符葆森選其詩入正雅集資以金勸由貴郎進遂援例官兵部主事在都與一時名宿結社唱和以文章氣節相砥礪每高麗使至皆投詩造謁有執弟子禮者祁文端方在告見所著歎曰吾鄉後起有人石州死道不孤矣其後文端再出以經學特疏薦焉同治壬戌成進士引見以知縣用仍改歸部曹與兄昂素友愛兄卒乞假歸葬自此無復仕宦志主講宏運書院歷十年值光緒大祲朝邑相奏請襄辦賑務事竣復與撫部曾忠襄公議修通志延爲總纂兼主晉陽講席會當事者擇高才生別設令德書院復移席焉居會城凡八年卒生平湛深經術於六書九數用力尤勤詩文奇崛自成一家篤於師友脩脯所入率以資親故愛才下士後進多樂就之纂修通志體例多所手定河東道府州沿革亦其筆

也卒後諸生祀之三立閣及四徵君祠所著有耨經堂詩集初稿續稿行世算學三書耨經廬文集雜著藏於家

顧齋簡譜

道光三年癸未一歲

正月三日生 先生諱軒字霞舉號青田少志亭林之學復取顧言顧二語

又號顧齋先世陝西三原人明初始祖子文遷居洪洞縣東南廿里薄村

薄漢

太后故里 曾祖淮以好學稱著有讀鑑一得愚河東醴務說影祖楷蘇乾隆癸卯

舉人大挑知縣未仕工詩古文世稱眉山先生著悟堂集騷壇八略行世父
得中母段氏生昂及先生

道光四年甲申二歲

道光五年乙酉三歲

道光六年丙戌四歲

道光七年丁亥五歲

道光八年戊子六歲

從同里溥舒堂先生

名常泰 學能屬對 溥按先生日記曰六歲先師溥舒堂先生教對句云天大對曰地小問何出則

舉師所讀高厚蒙求日月之輪大於地應之以平仄未諸命更之曰日高問何出又以以前書言日在九重天最高行應之蓋習聞師言非能自知也

道光九年己丑七歲

道光十年庚寅八歲

按先生日記曰八歲師言先王父曾出一對云輓筆寫硬字當時未有對者先世父命軒對之曰虛心求實學師云上對平仄不合為易學作理字後韓

華軒師與先世父育及此師亦對云小題做大文願軒曰不如汝之工也窗友王希孟作時文每向其問法私學為破承父師不知也後見王東牆四十

五十題破題刊本密圈訝問之曰破承例不加圈必十分出色亦加圈矣由是快然

道光十一年辛卯九歲

從韓華軒先生

名榮 學能文知聲韻 按先生日記曰九歲年終放學從先世父臥早未起先世父忽命試作一破心

取喜請題曰孟子見梁惠王破曰大賢之見也先世父命作承曰蓋孟子非惠王稼書先生作也汝襲之乎曰實未之見也先世父命作承曰蓋孟子非惠王

非孟子所能見者也而孟子見之非心欲行道豈能不遠千里而來見哉先世父笑示以犯下之病後時時命作以為喜樂而以治經為急不令讀時文

也 早作

道光十二年壬辰十歲

道光十三年癸巳十一歲

作制藝文成篇

按先生日記曰十一歲春先世父送先兄應縣試聞題為先

世父乃曰姑視之破承曰聖人言學垂教萬世之意也夫子聖人也亦好學者也聖人尚勤學況學聖人乎子首言學垂教萬世之意不亦深哉先世

父以示先族伯蘊中先生及堂叔祖張甫公均為獎進蘊中先生始授以國初明文俄而命之學作遂成篇是年先大父歸聞世叔言未之信夜臥忽問

之曰若為文果已為乎曰然曰吾試若能則信矣請命曰汝伯父言汝作孟子句破承吾疑之今以孟子二字為題先恭人曰何必然徐為未晚蓋

恐軒不能卒辦見責也破承曰戰國有大賢我國之福也蓋孟子生孔子之後當戰國之時一人而已無孔子而有孟子道德之宗也故曰亞聖豈徒戰

國一時之福哉先大父為之解頤

道光十四年甲午十二歲

從張充軒先生

名學與李享山升名時張仲亨會名嘉共筆視始作詩按先生日記曰十二

歲師以屢作詩不諧切責不用心之故惶恐殊甚時命題公生明作云理責中心得何嘗不悉明分明由內出彷彿自公生氣節風霜凜胸懷雪月清人

難逃水鏡我自定權衡義非相襲流形本各呈母偏母黨路至大至剛情日月無私照侯王得一真何如逢聖世百物順時行師覽之曰汝能清白乃

爾胡不用心耶
時亦不自知也

道光十五年乙未十三歲

讀唐詩作古劍篇始爲古體是年父贈公沒於山左

道光十六年丙申十四歲

道光十七年丁酉十五歲

是年母段太恭人沒

道光十八年戊戌十六歲

道光十八年己亥十七歲

張充軒先生補官潞城先生無所師與同學友李勉亭

名敏景雲章

名山李享山

張仲亨讀書玉峯山得與王雪堂

名椅商抑之

名昌邢秋丞

名秀萬

訂交冬赴平陽

應童子試與李勉亭李享山同以詞賦受知於學使滇南張桐廬觀察補縣

學生是年娶楊恭人同邑階平公女

道光二十年庚子十八歲

是年長子賡之生

道光二十一年辛丑十九歲

黃葉書屋詩草成作詩初存稿

按先生日記曰辛丑余年十九作詩初存稿是年遂三百餘首秋作又過半焉時書屋有

先二叔祖手書額曰黃葉書屋遂以名草丙辰初訂詩草去十之九辛酉再訂則新自甲辰數年舊作無一存矣

道光二十二年壬寅二十歲

同尉伯綺

名光霞

李勉亭王雪堂商抑之邢秋丞張仲亨李享山遊九箕山

道光二十三年癸卯二十一歲

許蓮西

名長庚

主講玉峯書院與商抑之張鐵生同肄說文業始習六書古韻

從張伯翹

名子特

問九章術授以開平方法始習天算歷數秋試未售

道光二十四年甲辰二十二歲

同李勉亭修禊箕山有遊九箕山詩申老泉詩再至申老泉入山莊最深處

詩普濟寺詩棄瓢池詩明太傅韓忠定公讀書處詩登九箕山遊韓仙墓記
遊申氏山莊記棄瓢池記箕峰別墅記遊玉龍潭記是年尉伯綺卒爲撰墓
誌銘

道光二十五年乙未二十三歲

春同李勉亭景雲章商抑之讀書平山北橋寺禪院遊翼城縣訪潞公軒有
詩是年次子膺之生

道光二十六年丙午二十四歲

舉鄉試

從張石洲

名穆

問學始習地志

識安邱王莪友

名筠

河間苗先路

名蘊

道州何子貞

名紹基

諸先生皆爲之延譽

有遊襄陵靈柏詩豫讓橋詩虞阪

詩宋溫國司馬文正公故里詩河東鹽池歌解梁官舍望中條山詩霍太山

詩韓信嶺詩千佛崖詩縣田詩郭有道阡詩石嶺關詩藏孤山詩秀容懷古

詩登代州城樓詩

道光二十七年丁未二十五歲

試春官未第

與馮魯川

名志沂

葉潤臣

名澤

楊汀鷺

名傳

朱伯韓

名琦

訂交

同張石州祁實甫相國朱伯韓何子貞葉東卿馮魯川祀亭林生日於顧祠

夏赴山左有遊大明湖詩歷下亭詩小滄浪詩北極台詩匯泉寺詩趵突

泉歌居寧陽三月歸里有東平道中詩張秋晚宿詩莘縣曉發詩平恩廢縣

崇福寺詩肥鄉道中詩濫陽橋詩邯山詩武安雜詩小終南詩魚兒嶺詩吾

谷關詩黎城縣詩微子嶺詩潞城縣詩起雲台行上黨雜詩盤秀嶺詩臨氏

阪詩岳陽詩

道光二十八年戊申二十六歲

仍里居同王蓮炬

名興選

張仲亨遊雙泉有遊雙泉詩

是年長子賡之殤

道光二十九年己酉二十七歲

遊霍山有廣勝寺詩登廣勝寺浮圖詩霍泉詩分水亭小飲詩題乾元山寺

詩北橋寺詩萬安泉詩澗橋詩韓君墓碑歌 是年李勉亭王雪堂卒有輓
勉亭二兄詩

道光三十年庚戌二十八歲

再試春官未第 與張鐵生馮魯川王靄堂名煥文酒往還 有百邑詩薈

水汾王陵詩飛廉石槲詩夫婦嶺詩賈令驛詩妒女津詩 再赴山左寧陽

居王襄廷名贊寓園有德州詩東平雜詩鶴山秋望詩新泰雜詩新甫道中

詩羊流曉發望松巖寺詩徂徠山行渡汶詩 春兄鶴翥名昂赴寧陽冬返里

是年張石州卒

咸豐元年辛亥二十九歲

仍居寧陽有遊千佛寺詩登歷山絕頂詩長清道中遇雨詩大雪宿泰山下

詩羊流店詩登平陽古城遺址詩晉任城太守夫人孫氏墓碑詩羊續墓詩

雨花道院詩宋刻秦碑殘石歌前登岱詩沒字碑歌磨崖碑歌白鶴泉詩任